

四庫全書

史部

欽定四庫全書

史部
江西通志卷三

詳校官監察御史_臣左周

檢討_臣德生覆勘

總校官知縣_臣楊懋珩

校對官編修_臣盧遂

謄錄監生_臣陸鼎

欽定四庫全書

江西通志卷三

沿革

建昌府

本撫州南城縣

太平寰宇記

秦屬九江郡漢屬豫章吳分豫章東郡置臨川郡治南城隋罷臨川郡置撫州而南城屬焉

寰宇通志

唐武德二年省南城入邵武縣以隸建州至南唐李煜

於南城故城置建武軍

名勝志

太平興國四年改為建昌軍

太平寰宇記

宋曰建昌從南唐舊名改武為昌以地連建州會南昌

為名也

郡縣釋名

至元十四年改建昌路總管府割南城置錄事司

元史志

明定江南改肇昌府尋改建昌府領縣四屬湖東道

嘉靖

志

萬歷六年割南城東北建瀘溪縣領縣五

府志

皇清因之

安志

南城縣

附郭東漢舊縣

郡縣釋名

高帝六年命大將軍灌嬰立洪州其年分洪州南境立

南城以其在郡城之南故曰南城

太平御覽

吳太平二年更分置臨汝改為臨川縣至開皇廢南豐

永城二縣并入南城縣屬撫州唐武德五年置永城東

興二縣七年省東興永城二縣入南城縣

太平寰宇記

淳化二年自撫州來隸有太平等四銀場

宋史志

元明仍舊

皇清因之編戶二百八十四里

安志

南豐縣

本漢南城縣地

元和郡縣志

吳太平二年置隋開皇九年廢入南城唐景雲二年又

置先天二年廢入南城開元七年刺史盧元敏奏田地

豐饒川谷重深時多剽掠乃復置南豐縣

太平寰宇記

沿革志云太平二年初置縣曰豐因徐州有豐縣乃加南字以別之實漢後主延熙十九年也其地常產嘉穀

故又名嘉禾

名勝志

南唐升南城為建武軍南豐為屬縣宋改建武軍為建

昌軍又以南豐與南城並為屬縣

建昌府志

至元十九年升為州直隸行省

元史志

洪武二年復為縣

寰宇通志

皇清因之編戶一百三十九里

安志

新城縣

紹興八年析南城五鄉置

宋高志

中興小歷江西安撫使李綱轉運使逢汝霖合奏略云
伏覩本路建昌軍兩縣繁劇為最非各添一縣則難以
督租賦息盜賊制曰可於是分南城上五鄉就黎灘鎮

建縣邑號黎川以此

名勝志

元明仍其舊

皇清因之編戶七十六里

安志

廣昌縣

紹興八年析南豐南境三鄉置

宋史志

宋會要云安撫使李綱等以南豐縣舊管六鄉闊遠難

治奏析置廣昌縣

名勝志

以道通二廣而屬建昌軍故名

郡縣釋名

境有平西臺邑又號平西

嘉靖通志

元明仍其舊

皇清因之編戶二十四里

安志

瀘溪縣

本南城縣瀘溪巡檢司

豫章書

宋元豐中設都巡檢司於瀘溪其地為瀘水環流故名
至明萬厯六年從知府王之屏議割南城析置而改巡
檢司於伏牛市

府志

按陳王庭瀘溪縣記云邵侯王公以南城廣袤四
百里東北曠遠中界金谿地險令隔是非專官轄
治將滋蔓罔測請兩院會疏以聞詔曰可於是南

城知縣范涑躬詣相地叔官府立城郭

皇清因之編戶二十里

安志

廣信府

歷春秋戰國迭為吳楚地秦并天下為番縣地

太平寰宇記

本漢餘汗地三國時又分鄱陽郡葛陽縣之地陳改為

弋陽今州所理在弋陽縣東一百里

元和郡縣志

唐上元元年正月江淮轉運使元載以此邑川原寬遠
關防襟帶宜置州制可賜名信州以信美所稱為郡之

名 太平御覽

乾元元年析饒州之弋陽衢之常山玉山及建撫之地

置信州

唐書

按乾元上元皆肅宗年號唐書以為乾元御覽以
為上元當從正史

餘汗鄱陽太末府地皆有焉吳有葛陽晉有晉興唐初
有玉亭皆衢饒二州之北境也

名勝志

唐乾元中析弋陽之地置上饒上饒之地置永豐又以

撫建之三鄉益弋陽而割其西境及餘干之東北境置

貴溪

同上

南唐保大中析弋陽所得撫建之地益以上饒三鄉置

鉛山縣

廣信府志

宋熙寧中復上饒之永豐鎮為縣

同上

元至元十四年陞為信州路

元史志

明改為廣信府領縣六屬湖東道

嘉靖通志

嘉靖三十九年割上饒弋陽地添置興安縣領縣七

府志

皇清因之

安志

上饒縣

本吳所置隋平陳省

元和郡縣志

附郭本漢豫章郡鄱陽縣地孫吳置上饒縣以其在饒
州之上也

郡縣釋名

晉省宋復置隋省唐復置隸饒州

豫章書

武德四年置七年省入弋陽乾元元年復置并置永豐

縣元和七年省永豐入焉

唐書

宋元明仍舊

皇清因之編戶一百八里

安志

玉山縣

本隋東陽郡之信安縣地

豫章志

唐證聖三年析常山須江及弋陽置

唐書志

乾元二年自衢州割入信州

元和郡縣志

按縣圖云本漢鄱陽縣界衢山之西鄱也以其有懷王

山故名

太平寰宇記

宋元明仍舊

皇清因之編戶五十七里

安志

弋陽縣

本餘干縣地屬豫章郡後漢建安十五年孫權置葛陽縣以城在葛水之北故也隋開皇九年廢上饒入葛陽逾年縣失印移於弋陽以地居弋江之北為名

太平寰宇記

上元二年自饒州割屬信州

元和郡縣志

開寶八年升為縣景祐二年省康定元年復置慶曆三

年又省入弋陽

輿地廣記

相傳昔有弋獵者居其側或云有大石面如鐫弋字因

名

邵縣釋名

元明仍舊

皇清因之編戶七十一里

安志

貴溪縣

本漢豫章郡餘干之地今在弋陽餘干兩縣之間

太平寰宇

記

永泰元年析弋陽置

唐書地理志

洪州觀察使李勉奏割樂平餘千二縣在貴溪口因以

為名

元和郡縣志

宋元明仍舊

皇清因之編戶二百一十里

安志

鉛山縣

本唐撫建二州地

寰宇通志

按上饒記云出銅鉛青碌本置鉛場以收其利南唐昇

元四年於上饒弋陽二縣析五鄉以為場後升為縣

太平

寰宇記

宋初以縣直隸京師後復隸信州

豫章書

至元二十九年升州

元史志

洪武二年復為縣

鉛山縣志

皇清因之編戶六十九里

安志

廣豐縣

本弋陽縣進賢鄉永豐里地

元和郡縣志

乾元元年置元和七年省

唐書

宋熙寧七年升永豐鎮復為縣

名勝志

西南有永豐山又有永豐溪吉安亦有永豐縣每科試

錄分吉永豐廣永豐以別之

郡縣釋名

元明仍舊

皇清因之編戶五十七里

安志

雍正九年巡撫謝旻以縣名與吉永豐同題請更定奉

旨改廣豐縣

興安縣

本橫峰窰地正德間因窰民弗靖巡撫孫燧請銓設通

判名鎮寧公署

名勝志

嘉靖三十九年設縣割上饒貴溪弋陽三縣地屬之

豫章

書

按侍郎葉鏜興安倉記云國初徙處州民居其地
世以陶為業其俗獷悍好鬪乃設督捕通判一員
歲嘉靖庚子饑其民請粟於官弗許諸惡少遂相

率持鋤耰幾至大變司土者憂之乃始有立縣分
治之議廵按程公本立按信予以父老之意曰之
程公慨然上聞乃下戶部議予又為歷陳其便乃
復議以聞詔許之錫名興安

皇請因之編戶二十一里

安志

饒州府

春秋時為楚東境秦為番縣地屬九江郡漢為鄱陽屬

豫章郡

十道志

東漢屬廬陵郡

名勝志

吳孫權分置鄱陽郡晉宋齊梁陳因之

輿地廣記

梁承聖二年改為吳州陳光大元年省吳州依舊置郡

元和郡

縣志

隋開皇九年平陳改鄱陽為饒州大業三年復置鄱陽

郡

隋書志

唐武德四年平江左置饒州領鄱陽新平廣晉餘干樂平長城玉亭弋陽上饒九縣七年省上饒入弋陽省玉

亭入長城餘干二縣八年又并長城入餘干并新平廣

晉入鄱陽天寶元年改為鄱陽郡乾元元年復饒州

太平

寰宇

記

南唐置永平軍

古今郡縣名考

宋開寶八年復改為饒州

府志

元至元十四年升饒州路總管府屬江浙行省元貞元

年升餘干樂平浮梁三縣為州

元史志

明初改鄱陽府復改饒州府

豫章書

郡西有堯山相傳堯時洪水避難者居其上因名初州以堯山為號入以地衍饒遂加食為饒

郡縣釋名

初領縣六正德七年姚源盜平析鄱陽餘干樂平貴溪四縣地立萬年縣領縣七

嘉靖通志

皇清因之

安志

鄱陽縣

闔廬十一年吳王伐楚取番

史記吳世家

秦時吳芮為鄱陽令號曰番君漢屬豫章郡

輿地廣記

莽曰鄉亭

漢書

東漢加邑作鄱陽字

太平寰宇記

晉武帝改曰廣晉隋開皇九年改廣晉為鄱陽以在鄱

水之北故曰鄱陽

元和鄱縣志

舊置鄱陽郡平陳廢入有陳銀城縣廢入焉大業初復

置郡

隋書志

武德五年析置廣晉縣隸浩州八年州廢省縣入焉

唐書

志

宋為饒州倚郭縣元明仍其舊

皇清因之編戶三百一十二里

安志

餘干縣

本越之西境為越餘地漢置餘汗縣

郡縣釋名

縣因餘之水為名

元和郡縣志

貨殖傳注干越今之餘干縣也

豫章書

莽曰治干

漢書

東漢改隸廬陵郡

饒州府志

隋開皇九年去水存千名曰餘千

元和郡縣志

武德四年析鄆陽置玉亭長城二縣七年省玉亭入長

城八年省長城入餘千

唐書志

宋因之

嘉靖志

元元貞元年升州

元史志

洪武二年仍改為縣

餘千縣志

皇清因之編戶二百二十四里

安志

樂平縣

漢永元中置

雷次宗豫章記

縣在銀城即今邑之東水路

太平寰宇記

本漢餘汗縣地後漢靈帝於此置樂平縣南臨安江北

接平林因曰樂平

元和郡縣志

陳天嘉元年嘗廢唐朝建亦在銀城後因歛寇程海亮
剽掠兼山勢險峻地隴高下乃移於常樂水口即今所

名勝志

武德九年省樂平縣後重置

唐書

南唐昇元二年析樂平二鄉置德興

縣志

元元貞元年升州

元史志

明仍改為縣

皇清因之編戶二百七十三里

安志

浮梁縣

唐武德四年析鄱陽置浮梁縣屬饒州八年省

輿地廣記

開元四年刺史韋玢再置改名新昌天寶元年改名浮

梁

元和郡縣志

以溪水時泛民多伐木為梁也

郡縣釋名

唐永泰二年析北境合黟南置祁門縣元和中以縣治

被水徙西北即今治

饒州府志

元元貞元年升州

元史志

明仍改為縣

皇清因之編戶一百一十二里

安志

德興縣

本饒州樂平之地有銀山出銀及銅唐總章二年邑入

鄧遠上列取銀之利上元二年因置銀場令百姓任便
采取官司十二稅之其場即名鄧公隸江西鹽鐵都院

太平寰

宇記

南唐割據始置德興縣四面皆水取其地產銀惟德乃

興之義

名勝志

宋熙寧間析樂平縣盡節鄉元豐間析弋陽縣建節鄉

增德興

饒州府志

元明仍舊

皇清因之編戶八十三里

安志

安仁縣

漢餘汗東南地西晉析置晉興縣永嘉七年改興安尋

廢

寰宇通志

隋開皇九年并入餘干唐武德初置長城縣在今長城

鄉又廢宋開寶八年置安仁場於此端拱元年升縣

名勝

志

元明仍舊

皇清因之編戶九十七里

安志

萬年縣

本鄱陽餘干樂平貴溪四縣之遠鄙正德七年姚源盜
平析置為邑隸饒州

嘉靖通志

按明舒清萬年縣志序略云萬年居鄱餘樂貴四
邑之徼地僻土剛山深嶺峻民生其間多負氣尚
俠且去縣治遠正德初歲饑遂為合弄兵四出焚
戮上聞遣總制陳公金出師勦之逾年始平爰與

方伯任公漢議必置邑庶無後虞乃秦割四邑附近地合為一邑而開設治所於萬年峰之陽總制俞公諫相厥攸宜參政吳公廷舉任營度之功巡撫孫公燧憲副許公庭光築城衛之

皇清因之編戶六十四里

安志

南康府

春秋為吳楚地戰國屬楚秦屬九江郡漢為海昏彭澤二縣地屬豫章郡晉屬潯陽郡宋齊因之

豫章書

在唐屬江洪二州地楊吳立星子鎮屬德化

輿地廣記

南康軍本江州星子鎮太平興國三年以地當要津改

鎮為星子縣至七年改鎮為南康軍領星子縣仍割江

州之都昌洪州之建昌以屬焉

太平寰宇記

本隸南路紹興初來屬

宋史志

至元十四年升南康路隸江淮行省二十二年割屬江

西

元史志

明初改南康路為西寧府尋復為南康府

南康府志

初領縣三正德十一年分建昌五鄉置安義縣領縣四

屬九江道

嘉靖通志

皇清因之

安志

星子縣

本漢彭澤縣地屬豫章郡後為德化縣之星子鎮太平

興國三年置縣屬江州

輿地廣記

太平興國七年以江州星子縣建為軍

宋史志

附郭因境內有落星石故名

郡縣釋名

元明仍舊

皇清因之編戶二十八里

安志

都昌縣

本漢彭澤縣地武德五年分置都昌縣

元和鄱縣志

唐安撫使李大亮謂土地之饒井戶之阜道途之遠近
水陸之阻礙遂割鄱陽西雁子橋之南置縣以隸浚州

州廢屬江州

太平寰宇記

大厯間徙治彭蠡湖之東屬饒州

豫章書

紹興七年自江州來隸

宋史志

以縣有都村南接南昌西望建昌故名

郡縣釋名

元明仍舊

皇清因之編戶五十九里

安志

建昌縣

後漢永元中分海昏立建昌縣以其戶口昌盛因以為
名又中分海昏建昌立新吳永修二縣宋永嘉二年廢
海昏移建昌居焉

雷次宗豫章記

隋開皇九年省并永修豫章新吳四縣入焉

隋書志

武德五年置南昌總管府管南昌新吳靖米孫五州南昌州領建昌龍安永修三縣八年廢南昌州以南昌州

新吳永修龍安入建昌縣

唐書

建昌府以地連建州會南昌為名建昌縣義亦若是或

曰昌邑王賀居此為昌邑王建也

郡縣釋名

太平興國七年自洪州來隸

宋史志

元貞元年升州

元史志

洪武二年仍改為縣

皇清因之編戶八十一里

安志

安義縣

正德十一年以建昌縣之安義等五鄉依山據洞嘯聚不時巡撫孫燧副使宗璽知府陳霖議題割建昌五鄉

立縣因安義鄉為名

名勝志

亦取安平之義

邵縣釋名

按明余祐縣治記云安義舊隸建昌建昌之鄉十

有六其去縣治最遠者五所稱安義南昌卜鄰控
鶴依仁是也號稱瘠土兼道里遼遠西界靖安西
南界奉新東南界新建邑右逋賦者率以其地便
隱蔽逋聚時有議立縣治請之藩臬僉謀允協疏
報可都御史孫公燧巡按屠君儵謂郡邑既建宜
錫嘉名莫如以安義二字為當不得以一鄉之舊
名易之錄以上請竟弗更易

皇清因之編戶四十一里

安志

九江府

禹貢揚荊二州之境

元和郡縣志

春秋戰國屬楚秦屬九江郡

輿地廣記

漢潯陽屬廬江郡柴桑屬豫章郡

府志

柴桑彭澤之郊古三苗國舊屬廬江郡

周景式廬山記

漢末南境入吳屬彭澤郡北境入魏屬廬江郡後盡入

吳屬武昌郡

豫章書

元康元年置江州永興元年置尋陽郡屬江州永嘉元

年江州又置新蔡郡尋陽郡又置九江上甲二縣

晉書志

成帝咸通元年移江州理湓城即令郡是也

太平寰宇記

陳武帝於尋陽置西江州復理豫章文帝天嘉元年省

西江州江州自豫章復理潯陽

元和郡縣志

平陳郡廢又廢汝南柴桑二縣立尋陽縣十八年改曰

彭蠡大業初置郡

隋書志

武德四年置江州領湓城尋陽彭澤三縣五年置總管

府八年廢浩州及樂城縣入彭澤縣又廢湓城入尋陽

天寶元年改為尋陽郡乾元元年復為江州

唐書

南唐立奉化軍節度

寰宇通志

開寶八年降為軍事大觀三年升為郡舊隸江南東路
建炎元年升定江軍節度二年置安撫制置使以江池

饒信為江州路

宋史志

至元十二年置江東西宣撫司十三年改為江西大都
督府隸揚州行省十四年罷都督府升江州路隸龍興
行都元帥府後置行中書省江州直隸焉十六年隸黃

靳等路宣慰司二十二年復隸行省

元史志

明平陳友諒改為九江府領縣五

嘉靖通志

皇清因之

安志

德化縣

本尋陽縣二漢屬廬江郡吳屬蕪春郡晉復屬廬江

輿地

廣記

隋開皇十八年改為彭蠡縣大業三年改為涇城縣唐

武德五年改為潯陽縣

太平寰宇記

居在潯水之陽故曰潯陽

元和郡縣志

附郭南唐改德化縣言德化暨也

郡縣釋名

宋元明仍舊

皇清因之編戶一十七里

安志

德安縣

本歷陵縣地二漢屬豫章郡

輿地廣記

莽曰蒲亭

漢書

吳晉皆為歷陵縣割入柴桑縣隋為湓城縣南境

寰宇通志

武德五年析湓城更置尋陽楚城二縣八年廢湓城入尋陽貞觀八年又廢楚城入尋陽分三鄉於敷淺原之南立蒲塘場咸通三年還尋陽四年復為場

太平寰

宇記

楊吳升為德安縣德所綏安也

郡縣釋名

宋元明仍舊

皇清因之編戶一十八里

瑞昌縣

本赤烏場地。蓋柴桑之舊域也。

太平寰宇記

吳程普駐兵於此。有赤烏來鳴。識曰：明日必有祥。既得赤壁之報，名其地曰赤烏鎮。又曰瑞昌鎮。後改縣因鎮。

名也。

邵縣釋名

江右屬邑。以昌名者六七。獨別為瑞者何？蓋孫吳據有江東赤烏時，見立國改元，實始於此。

文德集求室集

唐建中四年，以潯陽西偏僻遠，立赤烏場。其改縣為瑞

昌，則自南唐昇元三年始。

名勝志

宋元明仍舊

皇清因之編戶一十四里

安志

湖口縣

漢鄴陽鎮地屬彭澤縣劉宋之湖口戍也

名勝志

本湖口戍是南朝舊鎮上據大鐘石旁臨大江唐武德

五年安撫使李大亮以為要衝遂置鎮

太平寰宇記

南唐保大中以彭澤二鄉析置湖口縣屬江州

寰宇通志

宋元明仍舊

皇清因之編戶一十七里

安志

彭澤縣

禹貢彭蠡澤在西因以名縣漢晉屬豫章郡

輿地廣記

梁置太原郡領彭澤晉陽和城天水平陳郡縣並廢置

龍城縣開皇十八年改名彭澤縣

隋書志

武德五年置涪州又分置都昌樂成二縣八年罷涪州

以彭澤屬江州仍以樂成入彭澤

唐書

南唐昇元初自涪州故城移湖西四十里江次即今縣

理 太平寰宇記

宋元明仍舊

皇清因之編戶一十七里

安志

南安府

三國吳始置南安縣屬南部都尉

江西名勝志

南康郡太康三年置

晉書志

元康元年割隸江州宋齊梁陳因之

嘉靖通志

隋立大庾鎮唐升為縣屬虔州

寰宇通志

南安軍自五代以前地理與虔州同

輿地廣記

宋淳化元年始別置南安軍割南康大庾上猶三縣地

屬之

南安府志

淳化初於大庾縣立南安軍從知南雄州查陶之請也

名勝

志

至元十四年改南安路總管府

元史志

洪武元年改南安府領縣三正德十二年割大庾三縣

地增置崇義領縣四屬嶺北道

嘉靖通志

金匱山經
皇清因之領縣四

安志

大庾縣

本漢南埜縣地武帝遣將軍庾勝討南越築城於此晉

為南康縣地隋立大庾鎮

豫章書

神龍元年析南康置

唐書志

唐屬虔州宋屬南安軍元明仍舊

皇清因之編戶二十里

安志

南康縣

本漢灌嬰所置南埜縣也至獻帝初平二年析南埜置

南安縣晉太康五年改曰南康

元和郡縣志

宋改曰贛縣隋大業初復曰南康

輿地廣記

唐屬虔州

豫章書

宋屬南安軍元明仍舊

皇清因之編戶三十一里

安志

上猶縣

後唐同光二年割南康縣西南一鄉置為上猶場

名勝志

南唐壬子歲改為縣

太平寰宇記

五代時置屬虔州淳化元年來屬

輿地廣記

宋屬南安軍嘉定中改南安縣元至元五年改永清縣

六年復舊名仍屬南安路明仍舊

嘉靖林志

皇清因之編戶一百一十一里

安志

崇義縣

本上猶縣地

名勝志

華人謝志珊等嘯聚為盜於此正德十二年都御史王

守仁削平之奏割大庾南康上猶三縣附近地立崇義

縣

嘉靖通志

按王文成全書云上猶大庾南康三縣適中去處
建立縣治實為久安長治之策適均處無如橫水
原係上猶崇義里地方山水合抱土地平坦堪設
縣治東去南康一百二十里西去湖廣桂陽縣界
二百餘里南去大庾一百二十餘里

皇清因之編戶六里

安志

贛州府

春秋時百越之地二漢屬豫章郡吳屬廬陵郡

輿地廣記

孫權嘉禾五年分廬陵立南部都尉理雩都晉武帝太

康三年罷都尉立為郡永和五年移理贛

元和郡縣志

開皇九年置虔州

隋書志

贛舊曰南康置南康郡平陳郡廢大業初改縣名尋置

郡

同上

武德五年平江左置虔州天寶元年改為南康郡乾元

元年復為虔州

唐書

後唐長興二年升為昭信軍節度

太平寰宇記

本南康郡昭信軍節度大觀元年升為望郡建炎間置

管內安撫使紹興十五年罷復置江西兵馬鈐轄兼提

舉南安軍南雄州兵甲司公事二十二年改今名

宋書志

淳化元年分南康大庾上猶別置南安軍虔州統縣十

府
贛州志

紹興間因虔州多盜以虔為虎頭改贛州

郡縣釋名

至元十四年升贛州路總管府十五年設錄事司領一

司十縣

元史志

洪武三年改贛州路為贛州府成化十三年設分巡嶺北道治贛州弘治七年設巡撫於贛稱虔院府領縣十

二

府志

皇清因之

安志

贛縣

二漢屬豫章吳為廬陵南部都尉晉置南康郡宋齊梁

陳皆因之隋置虔州改贛縣為南康大業初復改為贛

唐因之

輿地廣記

晉太康末洪水橫流忽有大鼓隨波而下入葛姥故城

衆力齊曳蹲而不動卜於其地置縣吉遂徙於此宋昇

明初移置贛水東梁承聖初又遷贛水南

太平寰宇記

章水西南自南康縣來貢水東南自雩都縣來二水至

州北合而為一通謂之贛水因為縣名

元和郡縣志

紹興二十三年改虔州為贛州贛縣附郭

贛縣志

宋元明俱為贛縣

皇清因之編戶一百二十里

安志

雩都縣

二漢屬豫章郡晉宋屬南康郡後省隋平陳復置屬虔

州唐因之

輿地廣記

漢初所置因雩都水為名

元和郡縣志

唐貞元四年割雩都地置安遠縣天祐元年析雩都地

為瑞金監

雩都縣志

宋太平興國七年析雩都地置會昌縣又石城縣分自

陽都亦古雩都地

同上

元明仍舊

皇清因之編戶一十七里

安志

信豐縣

本漢豫章南野縣地吳置南安縣晉改南康

名勝志

唐永淳元年分置南安縣屬虔州

輿地廣記

天寶元年改天下縣名相同者采訪使韓朝宗以泉州

有南安縣遂奏改名信豐

太平寰宇記

南唐保大十一年析信豐置龍南縣

信豐縣志

至元二十四年并龍南入信豐

元史志

明隆慶三年析縣南地置定南縣

皇清因之編戶七里

安志

興國縣

本贛縣地

太平寰宇記

孫吳置平陽縣晉太康元年改平陽曰平固隋開皇九

年省

贛州府志

歷三國兩晉南朝隋唐五代皆贛封內

嘉靖通志

太平興國中析贛縣七鄉置

宋史志

益以廬陵泰和之地立縣於湓江鎮因年號為縣名

名勝

志

元明仍舊

皇清因之編戶五十三里

安志

寧都縣

本漢潁縣地屬豫章郡

太平寰宇記

吳置陽都縣晉太康元年改曰寧都後省宋復置大明三年以虔化屯別置虔化縣並屬南康郡後省虔化入

寧都

輿地廣記

劉宋改揭揚曰寧都從新都名而改為寧也

郡縣釋名

虔化舊曰寧都開皇十八年改名

隋書志

南唐保大十一年析虔化石城場置石城縣

寧都縣志

紹興二十三年改虔化曰寧都

宋史志

元大德三年升寧都州領縣一龍南

元史志

明仍為縣

嘉靖道志

皇清因之編戶一百三十七里

安志

會昌縣

本雩都縣地

太平寰宇記

太平興國中析雩都六鄉於九州鎮置

宋史志

置縣未立名適鎮人鑿井得甌甌十二上有會昌篆文

事聞因以名縣

名勝志

金史卷之八十二
卷三
紹定四年升會昌縣為軍咸淳五年復為縣

贛州府志

至元二十四年并安遠入會昌大德元年升會昌州領

縣一瑞金

元史志

洪武二年仍為會昌縣

嘉靖通志

皇清因之編戶五里

安志

安遠縣

本漢雩都縣地

豫章書

梁大同十年置安遠縣隋開皇中廢其後雩都縣以地

僻人稀每有徭役動逾星歲建中三年刺史路應泰請

析雩都三鄉并信豐一里再置安遠縣

太平寰宇記

宋因之

寰宇通志

元至元二十四年省入會昌縣至大三年復置

元史志

明仍舊

皇清因之編戶五里

安志

瑞金縣

本雩都縣地有金天祐元年置瑞金監

輿地廣記

本瑞金場淘金之地也南唐升為縣

太平寰宇記

宋太平興國七年割地益之

名勝志

瑞金縣以掘地得金名也

郡縣釋名

瑞金舊屬虔州大德元年屬會昌州

元史志

明仍其舊

皇清因之編戶八里

安志

龍南縣

本漢南野縣地五代時置屬虔州

輿地廣記

唐天寶元年於信豐縣置百丈鎮尋改名虔南五代吳

改鎮為場南唐保大十一年升縣改今名

名勝志

南唐縣本名龍南宣和三年改虔南紹興三十三年復

改龍南

宋史志

至元二十四年并入信豐縣至大三年復置

元史志

以縣在百丈龍潭之南故名

郡縣釋名

明仍其舊

皇清因之編戶四里

安志

石城縣

五代時置屬虔州

輿地廣記

三國吳析置揭揚縣石城其封內也

名勝志

本石城場南唐改為石城縣

太平寰宇記

以山多石聳峙如城故名

郡縣釋名

宋屬贛州元升寧都為州以石城屬之

寰宇通志

明仍其舊

皇清因之編戶四里

安志

定南縣

明隆慶二年都御史吳百朋勦撫下厯高砂二巢奏以
界連廣東和平岑岡離遠政教鮮及以致人民頑據宜
置縣次年都御史張紳築城於高砂之蓮塘

名勝志

析安遠信豐地置定南縣取平安之義也

郡縣釋名

按殷從儉新建定南縣記嘉靖末年督撫吳堯山
公檄叅將蔡汝蘭勦滅下厯知府黃宸撫定高砂
岑岡隨議建縣為善後圖而堯山時以遷去未遑

也隆慶改元明年張鶴樓公繼總鎮下有司議移
會撫臺應谷劉公巡臺直齋顧公疏其事以請制
曰可錫名定南縣

皇清因之編戶四里

安志

長寧縣

萬歷三年都御史江一麟討平安遠黃鄉保賊奏置明

年築城於馬蹄岡

名勝志

析安遠雙橋石溪等十五堡置


贛州府志

長久安寧之義也

邵縣釋名

皇清因之編戶四里

安志



江西通志卷三

欽定四庫全書

史部
江西通志卷四

詳校官監察御史_臣周

檢討_臣德生覆勘

總校官知縣_臣楊懋珩

校對官編修_臣盧遜

謄錄監生_臣姚秉哲

欽定四庫全書

江西通志卷四

形勝

大江迤西川谷環縈惟十三郡羅羅圖經吳頭楚尾
粵戶閩庭形勝之區險兼阻并彭蠡汪濊廬嶽崢嶸
左江右湖風氣澄清勿謂壤遐近於藩屏綿谿延嶺
控帶荆衡既固我圉亦誠厥毗俯安封域仰佐昇平
作形勝志

江西省

東有海鹽章山之銅三江五湖之利亦江東之都會也

漢書吳分野

水陸四通山川特秀咽扼荆淮翼蔽吳越

雷次宗豫章記

襟三江而帶五湖控蠻荆而引甌越

唐王勃滕王閣序

洪江虔饒吉信撫袁悉屬治所

唐韓愈滕王閣記

當淮海之襟帶作吳楚之把握

唐謝朓

南距五嶺北奠九江

宋范致虛記

江西路環數千里為郡十有一為縣五十有三控引荆

湖襟帶吳越為上流重地

宋李綱乞差軍馬劄子

江西一路輔翼建康駐蹕之所蔽障閩廣接連荆湖自

江以北控引淮西

李綱條具防冬利害狀

鍾陵奧區楚澤全壤天開翼軫之疆地扼江湖之國

宋王

應麟
玉海

江西之為省東接閩浙西連荆蜀北踰淮汴以達于京

師據嶺海之會斥交廣之境蠻服內向島夷畢朝提

封數千里隆興則其治所也

元虞集江西行省惠政碑

星麗斗牛地兼吳楚據百粵之上游壯雄藩之重輔

明胡

儼滕王

閣賦

統三府論之江西諸水總匯鄱陽湖瀉注大江匡廬山

障之饒州在其東稍西北而南康又稍西北而九江

其地東接徽衢池慶西接蘄黃武昌大都為豫章北

戶云以繁劇論則饒州為上九江南康次之以衝要

論則九江為上南康饒州次之此其大凡也

明王世懋三郡

圖說

環郭外者為龍沙龍沙之外潏潏長逝為大江大江之外
欽崎羅列為西山西山之杪北峙為匡廬大江之

隈東匯為彭蠡

明潘恩攬
秀樓記

江右地分湖山間方廣數千里統十有三郡

明錢習
禮亭記

負江依湖南臨兩廣北接宣揚西控楚東翼浙

明鄧元
錫方域

志

南昌在湖之南湖東為撫州東南為建昌又東為廣信

湖西為臨江西南為袁州又西南為吉安湖西北為南康又西北為九江東北為饒州而九江牽制沿江諸郡且與南康密邇巨湖吞浸實要害之重關也瑞州却湖而負山南安贛州去湖益遠在省治極南以五嶺為屏翰而汀漳雄韶諸山跨絡林箐茂密斯為盜藪故設督撫重臣以臨之

明郭子章
郡邑表說

江西三面距山背沿江漢當吳楚閩粵之交南昌其都會也九江為江楚鎖鑰贛州介在南服南安阻憑庾

嶺南康饒州夾彭蠡以列郡而康不逮饒吉安撫州
人才甲諸郡建昌事簡而殷瑞州地僻而阜廣信衝
而疲臨江衝而逸袁州密邇楚境比江右之大較也

劉斯樞程
賦統會

南昌府

在江湖之間東南一都會

宋曾鞏
修城記

章水北經南昌城西歷白社又北歷南塘其東為東湖

曾鞏徐高
士祠記

茲郡之勝實為東湖

宋楊億涵
虛閣記

大江之西處都會而山水佳者洪為最

宋余靖洪
州學記

列巘橫青龍沙飛白逶迤突兀於江干之西

明范涑鍾
鼓樓記

地勢自虔州北折千里或浸為湖或聳為阜似日者似

月者似虎踞者似龍蜿蜒者悠悠累累息於章江之

濱

明萬恭南
昌學記

平原縣銜贛汝交流

南昌形
勝志

羣山翼赴衆水朝宗

同上

新建江右之鉅邑也境莅會省

明陳弘緒
新建學記

層峯疊嶂秀出雲霄多仙靈窟宅

明喻均
新建志

厭原奇麗雙江匯環蓋都會雄觀

新建前
志圖說

洪都壯邑厥水惟豐池水躍龍芙蓉浴日

宋劉卿日
豐城志序

豐城為壯哉縣一旦紫氣騰蹕上薄斗牛而物華天寶

人傑地靈益翕然炳煥

宋徐鹿卿
豐城志序

豐城為吉贛下流地勢窪甚春夏水暴至匯為巨澤縣

兀然居中

宋劉德秀
豐城堤記

章水經北曲江匯東帶二水之長流襟三江之長雄宋

孝友豐
水賦

羅山峙其南贛江環其北

元富州
形勝志

豐城古澤國也當五郡之水衝

明李瑄仙
壘石埭記

進賢為豫章壯邑延袤凡數百里

明王一夔進
賢成化志序

台山列屏曲水縈帶

明陳應元進
賢修學記

邑東有河其源出臨川之榭嶺紆迴百餘里合衆流至

邑

明王英進賢
縣青龍橋記

北湖澄淵縹山砥柱洞陽蕩其西瑞洪浸其身

萬恭進賢縣形

勝說

豫章郡三江之都會奉新縣五嶺之要衝

宋楊萬里南津橋記

氣象平衍面勢洪博北趨江淮南抵閩粵道路四達商

賈會通

宋桂如麓奉新華豐樓記

南昌之屬邑惟新吳為最馮川敵其陽其地有高山峻

嶺

明吳彥弘奉新通化橋記

奉新在豫章西山之西越嶺之東山川秀麗

明趙理奉新縣志序

山從修寧若拱若揖若波之湧若龍之蹻若驤之騰似
旗者似鼓者似筆者似劍戟者東奔數百里乃播為

大陸衍為周原

萬恭靖
安學記

繡谷雄盤桃源紆阻

靖安形
勝志

武寧為隆興西南壯邑山刻而水駛

元范梈武
寧學記

武寧最山川勝處西江為尤勝幕阜九宮縣亘二山秀

出雲表蓋吳楚相入處也

宋楊恢武寧王
清萬壽宮記

環武城皆山蒼崖翠壑古澗生風峭壁層巒泉飛瀑布

宋白玉蟾武
寧湧翠亭記

武寧為縣僻在萬山中當修江上游水泉灌溉之利峯

巒岑鬱之美亦望縣也

明陸深
縣志序

陸有劍閣列棧之雄水有玉峽諸灘之險

武寧志

寧州者江右之大西藏也

明萬思謙寧
州銅鼓營記

南山排於前鳳山峙於後清流急湍環抱左右

明楊信
寧州冠

雲亭記

南昌郡故川陸一大都會也仰虔吉以控嶺表倚湓浦

以通江淮而形勝之險實與諸郡共之東南則章貢
盱汝諸水建瓴而瀦於鄱陽南新豐進之濱號稱澤
國其西層嶽鳥道繡錯楚疆奸萌易於嘯聚自平華
林礪礪以後奉靖二邑至今晏然寧州僻在郡隅鎮
之以兵臬戍之以銅鼓石營事乃有備然興國瑞昌
之寇孽多流入於寧武伏戎肘側蓋尤不可無牖戶
之防焉

南昌范志
疆域論

瑞州府

西江道院南服名邦

宋辛料院賀
筠州尤守啟

筠為州在大江之西其地僻絕

曾鞏筠
州學記

斷巖深壑宛若洞府

蜀江
志

瑞本古筠郡治在鳳山之陽錦水自西南來折而東注

界為兩崖

明沈煉瑞
州修城記

瑞城據錦水兩崖在南曰南城在北曰北城

明吳山
修城記

高安郡於江西稱道院郡治在山間而最高處有碧落

堂下俯萬山一水穿城南北岸萬家鱗鱗樓臺皆可

指數

明歐陽守道重修碧落堂記

據鳳山面錦水昂然一郡之勝

明朱繼祖學記

前瞻荷嶺後倚華林

南唐殷崇義祈仙觀記

高安本豫章屬邑居溪山之間

宋蘇轍聖壽院記

高安為江西上縣

元李淵張令祠記

上高筠之小邑介於山林之間

蘇轍上高學記

上高城周五里蜀水中亘為闕者四分峙水南北所以

麗內外謹出入也

宋江湘重修上高城闕記

上高治北而市南一溪自萬載發源合新昌水下走高

安

宋馮椅上高
浮虹橋記

山川映帶秀麗如染

明黃景上
高學記

負教峰迎錦水

明吳學詩上高
正德書院記

林壑盤紆川原迴遠

宋劉愿新昌
縣譙樓記

溪山深窈左右拱揖

宋雷孝友新
昌縣門記

前則諸巖戟列後則疊嶂屏張桂峰卓於左螺山踞於

右鹽溪合月灣而東環東溪合北流而西遶

明王相
遷新昌

學記

南屏翰苑北枕石門桂嶺螺山東西對峙鹽浮一派曲

折於祿陂顧淵之間

新昌形勝志

郡在會省西南山紆水迴雖屬上游勢漸險隘此高安

上高之名所由起也上高又在高安上游西濱萬載

地勢陡絕新昌本割兩高之地為縣形勝在季孟間

西接皂山北接八疊則亦駸駸傍楚而峻矣

瑞州山川圖說

袁州府

州小地狹

韓愈表
川謝表

山水秀麗

太平環
宇記

枕吳頭而盤固壓楚尾而仰止連屬羣峰迴環千里

宋李

問仰
山賦

屏蔽江淮襟帶湖湘山平廣而無高險水遠秀而無深

險

宋阮閱
郡城記

城郭井邑在迤邐衆山之中如圖畫屏障

宋祖無擇
廣豐堂記

氣雄形壯誠江右一巨鎮

明張春表
州城記

袁州江右大郡當湖湘之孔道

明申時行袁州府題名記

袁州大郡也山水秀麗為江右奧區

明吳節袁州府學記

袁郡東十五里曰上浦當楚蜀滇黔孔道

明鄒守益廣潤橋記

狀元洲雄居中央迴瀾砥柱一郡鎖鑰

明袁業泗盧洲三元閣記

宜春為郡在江右上游山川完固

虞集宜春尊經閣記

袁為州負山帶水一水清瀉東北入于大江負城兩厓

東為驚湍奔駛激射不可以舟

宋滕強恕平政橋記

袁在萬山中山勢嵯峨盤曲從西南來有峰獨秀出於

城南者曰湖岡

明江皋湖岡臺記

分宜為袁鉅邑山水秀朗仙臺外倚於仰山秀江東馳

於彭蠡

明汪諧重修分宜學記

分宜邑治前瞰秀江源發於楚萍至此渟瀦而邑西東

限以兩山東以巨峽

明嚴嵩分宜萬年橋記

鈴岡列嶂屏圍四山周合宛若城堞

分宜形勝志

袁之西南有縣萍鄉山水淑清羅霄楊岐秀氣所挺

宋劉

清之萍

鄉學記

袁州之萍鄉以繁劇稱厥壤沃而僻

宋卓津題名記

山水明秀拱揖環抱

明簡迪重修萍鄉學記

萍介兩省當滇南蜀楚之衝

明袁一唯湘東營房記

北祖楊岐之脈鳳翼飛翔南濱塔嶺之朝筆鋒卓立左

肩羅嶽右臂徐仙川澄玉鑑洲擁金鰲

萍鄉形勝志

地勢隱然負山帶江

宋徐昇萬載縣治記

萬載介羣山之間

宋楊愿萬載學記

山有金雞白塔紫蓋之名水有龍江錦江清泉之號巖

之可稱者仙游龍成也橋之可題者雙虹南浦也誠

一郡之勝地

吳節萬載
譙樓記

萬巖邑也其山率崖其水縈迴

袁業泗萬
載志序

宜陽多山水而萬載特佳勝

明潘文奎
桐岡書屋記

萬載當郡北更北則寧州境東上高西瀏陽鵝鶴諸峯

障之

郭子章郡
邑表說

左鵝峯右鶴嶺月臺居前紫蓋翼後

萬載形
勢說

臨江府

據筠瑞之蜿蜒枕金鳳之迤邐東擁皂閣之葛峰西亘

蒙山之巨嶽南環玉笥北接劍江

隋志

當南粵虔吉舟車四會之衝

南唐吳騫建清江縣議

臨江大郡譙樓偉觀大蒙亘其北閣皂峙其南贛江渝

水會流而來金鳳雙洲障匯而瀦誠西江之雄也

明王

臣臨江譙樓落成宴集序

臨江若太陰半月之形

地理志

郡居江藩之樞掖表控瑞通梁粵帶虔吉

郭子章郡邑表說

臨介在江楚有閭皂玉筍以作其鎮巔袁喻峽以表其

流苞稽靈異

臨江府志

清江縣治在蕭水之上章山之陽石龍金鳳地靈攸存

明教英清江縣題名記

臨江為江西大郡而清江又麗郡之望邑勢控上游山

環水秀

明錢溥清江學記

清江之有水患自昔已然

明程遠重修沙河隄碑記

清江居豐城上游水自古文經玉峽歷金川至龍洲鳳

城蕭灘則曲折回互與地勢相環抱

明張澈清江送別詩序

當水陸之衝通八省之利

明熊化樟樹鎮記

淦居洪州上游有金沙玉筍之勝

明張鏊新淦志序

占西江之上游表東南之孤清

明金幼孜玉筍山賦

新淦與白下螺川無以甚異城頭山突起其側又一邑

之門戶也

明曾同亨城頭文昌塔記

新淦與吉州俱屬湖西其邑羣峰卓舉川光明媚

明鄒元標

新淦學記

東有柱天二峯西迎章貢二水南障玉筍羊角北峙鳳

山疊嶂

新淦形勢說

章貢之巨浸彭湃西北湄湘之碧澗縈繞南山

明陳以運新淦

志序

其治在四大山之中秀水淵注

虞集新喻學記

臨四邑獨踰限長江上游

明劉崧新喻新城記

葛峯環其東蒙嶺據其北鍾山鼎山之秀位乎西南之

郊虎瞰山獨隱然居其中世傳五星奠位

張澈新喻縣治記

袁江之水逶迤來朝悠揚縈迴於虎瞰中峯之下以達

于大江

明傅鶚新喻鎮遠樓記

蒙喻邑之鎮山也岡阜盤礴逶迤諸泉隨之而注以達

于渝水

張春新喻通濟橋記

峽江據臨上流道里四會星使輻輳

曾同亨黃邑令碑記

峽故隸淦與吉鄰壤

明錢德洪峽江志序

吉安府

府治據江上流

宋朱晞顏修吉州城狀

南接贛江北臨淦水西控袁川長沙環地幾千里

宋劉奔送

吉州
守序

咽喉荆廣脅齒淮浙江山映帶在眉宇間

宋劉彥登
黥樓記

五峯相次頗類五老

方輿
勝覽

神岡揖其前螺山歸其後江流迴合東走其下古所謂

天作之邦

郭子章郡
邑表說

吉州廬陵古稱大縣

宋胡銓吉
州學記

吉安於江西為劇郡廬陵於吉安為劇縣

元揭傒斯
廬陵縣志記

山環水外水環郭外

廬陵形勝志

自螺川而望東南其青青者皆青原也

墨歷青原山水記

泰和據郡上游城於古西昌地控途水陸道交廣者由

之行商往來通貨南北

明王陶泰和縣治記

泰和古南平郡地勢西北高而東南低故大江北匯疏

為四溪而入于江

明嚴萬全溪柳書院記

前挹澄江後引科嶺金魚插其左龍洲翼其右此西昌

山川之勝

明徐叔倫泰和板桂樓記

吉水山漸開遠溪益廣深

明劉定之重建吉水學記

三面阻江不隍而固

陳氏文江政畧

吉水負山襟江沙嶼縈紆龍飛鳳翥之概傑出於青原

白鷺間

明王雅重修吉水縣堂記

仁山岑律文水縈迴

鄒元標吉水仁文書院記

東山蜿蜒鎮其後字水交流環其前五岡蹲西玉峽峙

北巽峰太平仁山墨潭映帶左右控上流而為吉郡

之襟襟非他縣之可儗也

吉水形勢說

廬陵之東邑為永豐有山叢叢有水溶溶

揭傒斯永豐恩江橋記

永豐江右名邑與文江安成西昌並峙而爭雄

明吳期照修恩

江志序

永豐三面距山有鰲嶺五花之險

鄒子章郡邑表說

安福介吳楚之間開閩粵城有掌固之職

明張鰲山四城樓記

山水瑰麗東陽白雲諸峯獻秀出奇不可名狀瀘水折

北而東走勢若蒼龍

安福地志

武功山自萍鄉諸山蜿蜒而來特起二峯曰瀘曰瀟武

功當二峯之中號為三奇

明趙儀可
葛仙壇記

龍泉據吉州上游西扼郴衡南控虔化東連分水北結

新州固四塞之區也

郭子章郡
邑表說

地界兩川神秀所蟠

胡銓萬安
縣廳壁記

當水陸之衝舟車漕運交會於茲

明王汝南萬
安縣志序

俯惶恐灘背粵王臺聳芙蓉而列金鵝由章貢鼓櫂中

流劃然開目為廬陵最上游之勝

萬安風
土志

陳白沙以金鵝嶂勝於鴉峰芙蓉山過於桃峽詩云水

作青羅帶山為碧玉簪可以知形勝矣

同上

右枕重岡前引列峰

元李祈永新縣籌勝亭記

寧據吉上游崇山峻嶺介新之西偏

鄒元標永寧志序

寧處萬山中險阻四塞非舟車輻輳之會

郭子章郡邑表說

撫州府

與兩粵七閩犬牙其疆

唐獨孤及撫州新亭記

居山川風雲之會二水繞郭五峯鎮城

宋州守家坤翁景定志

瀕汝水以為郡靈谷銅陵諸峰環列如屏嶂

宋謝逸文集序

川融山結鍾奇毓秀江右之巨鎮也

宋趙與軫千金陂記

連山高陵野林荒墟遠近高下壯大閼閼怪奇可喜之

觀環撫之東南

曾鞏擬峴臺記

地方千里介江湖之表

虞集撫州譙樓記

撫為江西大郡其地西南負山至郡治而平行曠然數

百里下控江湖

明邵寶撫州志序

因崇邱以為城依大溪以為隍

明胡亦堂重修擬峴臺記

州治包五峰於內因山為城因川為池

撫州舊志

臨川附郡郭幅員五百餘里

郭子章郡邑表說

寶唐崇仁水源之所自出也迤邐而東凡一百二十餘

里合支流遠近者五曰西寧曰芙蓉曰巴源曰杯山

曰羅山凡一山之水支派再三舒徐入境洄旋於崇

仁之邑治而溪始平

宋何異塘堤記

西峙者羅山南峙者巴山

宋李熾崇仁學記

崇仁撫之壯邑

明時李照華藏寺記

駢山貫江風物繁衍下瞰臨水極目如練重阜外羅平

原中谿

崇仁形勢

金谿撫之東境

元程文海重修縣治記

金谿之山翔躍猶龍

明宋濂金谿廟學碑

金谿縣南時水與清江合流於汝名曰東漕其地為四

達之衢

宋濂金谿義渡記

山谿紆阻非兵革之衝

明徐善慶金谿築城記

西連閩建北接安東

明趙東忠輿地圖說

地界饒信時汝之間山川秀異

明徐孟起金谿志序

上幕前峙卓筆右拱含輝納秀占溪山勝處襟帶八閩

奇分五嶺

金谿形勝說

宜黃上接虔化旁屬南豐

宋鄒極宜黃審政堂記

宜黃二水合流于東北一水自南遶東趨北者源遠而

流稍大一水自西遶南趨東者源近而流差小

元吳澄宜

黃西恩橋記

宜黃居臨汝上游當宜水黃水合流之間

明譚綸宜黃城記

宜黃僻在一隅而山水清越

明周夢若仙巖元寶觀記

撫之屬邑五惟樂安僻在萬山中舟楫不通崎嶇扼塞

行者病焉

元吳當題名記

枕山踞湖象山龍岡峙左右前則大華芙蓉鹿角白石

諸峯林立環治有溪曰金鰲此一方勝概也

明胡直樂安縣

治碑記

樂安距府獨遠介於吉贛

郭子章郡邑表說

山高而水駛地固而氣完

樂安形勢說

東鄉宅奧窳故為寇區

明王宗沐修學記

接桃峯之勝據長林之險

郭子章郡邑表說

溪深而谷窈石峭而泉冽

東鄉志

建昌府

林奇谷秀水繞川環

唐刁尚能建武軍羅城記

地氣殊異山川炳靈

唐顏真卿麻姑仙壇記

建昌為郡據江西一道東南上游其地山高而水清

宋朱

子建昌軍進士題名記

山清水秀冠於江表

宋鄭文寶江表志

吾不知幾千百里之廣但覺土老而石頑頂天而直上

驗地勢之所極固亦東南之藩障

宋李觀麻姑山賦

左臨盱水右瞰麻源

輿地紀勝

建昌在江西號為佳郡地介閩粵

宋陳起王侍郎祠記

東南連甌閩屬章貢而西北鄰郡疆界相入錯綜如繡

呂維中
建昌鼓角樓記

抗禦七閩牽制八粵五嶺咽喉三吳襟帶蓋江藩南鎮

關鍵也

郭子章郡邑表說

攬煙雲草木之奇俯千巖萬壑之秀

羅大臨南城縣廳題名記

盱水南通閩廣北抵荆湖

明劉翊南豐通濟橋記

阻山帶河風氣茂密實稱奧區

明江冕修南豐縣譙樓記

軍山峙於右何竺峰峙于左

明王璽南豐修學記

倚琴臺以為之固繞盱水以接其流

南豐形勝志

南豐盱水上游東南勝邑層巒疊嶽環峙四封

明熊秉衡南豐

兜港橋記

南城之東南鄙與閩接壤析為新城縣其山獨秀奇明

麗

吳澄送新
城尹序

其山磅礴而清潤其水通暢而淵沈

虞集新
城學記

黎川故形勝地所謂曠如奧如者郊闕以外皆有之

黃明

聽新城皆
春堂記

天峯崇峻石峽嵯峨不郭而固不池而險

新城形
勝志

簫曲日峯東巖石硤四面環向

明朱徽新
城譙樓記

廣昌居盱江上游其地多佳山水

錢習禮清
溪書院記

東鄰南豐西接寧都石城四境之內山高而秀麗水深

而清潔

明何文淵廣昌縣志序

前對蟾石後據龍岡禪嶺插筆聳於左烏石列屏居於

右

廣昌形勝志

山川綢繆溪澗縈迴

明鄧文器瀘溪志序

瀘地僻處一隅環四面皆峻嶺急流

明鄧可權瀘溪桐步橋記

瀘陽疊嶂惟列縈水帶環

明呂應元瀘溪秀水溝記

去郡最遠隔界於新城金谿東接閩之光澤

郭子章郡邑表說

廣信府

信之為郡江以東望鎮也牙閩控越襟淮面浙隱然為

要衝之會

宋王雷修
信州城記

形勝地勢來自靈山中道起石如龍鬣隱見至郡而伏

懷玉峰聳出其隅森植猶束筍陰陽之勝甲天下

宋韓

元吉信州
牙門記

當吳楚閩越之交為東南望鎮

宋李彌大
法海院記

據省會上游靈鷲干霄自武夷來秀色吞匡廬而永溪

靚玉縈達彭蠡

郭子章郡
邑表記

北枕靈阜南帶冰溪東挹琅峰西瞻層巘

廣信府志

山川明秀原隰豐衍

上饒縣志

江南山水冠天下而上饒又冠江南鵞湖博山龜峰懷

玉號稱形勝而靈山尤秀絕

宋釋覺範信州天寧寺碑記

巖壑深秀縣據南北衝

元張翥玉山武安塔記

玉山犬牙闕越蓋豫章第一門戶

郭子章郡邑表說

連閩越控吳楚乘輅之使聚糧之旅過是都而問津者

穀相擊履相錯

明夏子陽玉山西濟橋記

武安三山列於前懷玉三清聳於後水水縈紆映帶左

右

玉山縣志

弋陽葛溪驛當西南水陸之衝其龜峰馬鞍寶峰南巖

岑岫莫不爭奇獻秀若渴虹奔騎絡繹而來

明李奎弋陽縣

溪山勝覽樓記

葛溪弋陽之別名也介乎閩浙之交山川秀麗稱東南

諸邑最

明李杞葛溪十咏序

山川之美著自古昔軍陽龜峯奇秀迴絕而葛溪武石

諸水縈洄映帶誠一方之形勝也

明黃易弋陽學科目題名記

南襟百越北帶三吳台嶺前瞻廬峰回盼

南唐陳喬新建龍虎山張

天師廟碑

居吳楚之中界據番水之上流南控甌閩東連江浙後

枕峰巒之雄秀前臨溪水之滌洄

明王增祐貴溪縣上梁文

象山奇偉薌水深長虎伏龍蟠歷代出神仙之地川鳴

谷應至今祀忠孝之神

貴溪縣形勝說

鉛山為八閩門戶鉦鼓之音晝夜不息其地憑高控流

環數百里之勢

明丁洪鉛山
紫溪橋記

鉛山據江右上流襟喉八閩控帶兩浙

李奎鉛
山學記

鉛山在郡南偏與閩地相錯如繡山高而峻水清而駛

懸泉飛遶郡郭而入於江

曹鼎望大
義橋記

東倚鷺湖之勝跡西聯銅寶之名山南扼八閩之喉吭

北據兩浙之要會

鉛山
縣志

五山輻輳蜿蜒如龍

宋真德秀永豐
龍山書院記

永豐古揚境當吳越之交多深山巨谷

明呂懷永
豐縣志序

由仙霞而東為浙之西戶由盤亭而南為閩之北門萬

山聳簇如長蛇如天塹

呂懷建永豐縣城碑記

南距歙山北控靈鷲拓揚諸關扼其左西嶽一峰障其

右

永豐縣志

縣依高山山皆巖石當一郡噬臍之間徑路旁達閩歙

明畢竟容興安縣新城記

興安崇岡疊嶽山勢盤旋在信州則為西境亦稍稍比

於閩矣

郭子章郡邑表說

興安壤偏賦尠而地當孔道

明歐陽洵興安劉令祠記

南距閩越北接徽寧

明鄭以偉興安通慧橋碑

饒州府

彭蠡既豬

禹貢

地居澹浦邑帶鄱川

唐王德璉饒州記序

饒為沃野

唐元稹饒州刺史判

潁江之地饒為大

唐劉禹錫集

洪厓鳳游之所磅礴鄱湖錦江之所涵渟靈淑之氣蔚

為人豪

明陳于庭饒
州府志序

南接豫章西接楚東姑蔑北鵲岸東北鳩茲西南艾西

北瀾延袤千里山川序列道路四達

饒州府
形勝說

饒為江右大郡土地肥衍

明舒清重
修府治記

水匯西南山環東北

鄱陽
志

餘干吳楚冠冕左掖羊角峯右曳弋陽溪後枕平曠遠

倚吳山前襟越水

明一
統志

其地濱彭蠡而接廣信負山阻水

元李謙餘
干升州記

餘干彭蠡上游為越喉舌

晉謝安與馮內史書

樂平山水重岡盤紆由東而來縣治實據其趾

宋許錫簡靜堂

記

樂邑既勝於水復雄於山

明陳九德樂平鎮西樓記

北圭康峰南濱章嶺內河源發鋸山分兩支而環縣治
外河注潞洎水橫一邑而匯鄱江洪巖鬱蔥萬山森

秀

樂平形勝志

北嶺如拱如揖洎江如環如抱

明黎澄樂平泮池記

樂平東抵德興西連鄱陽北界浮梁而南則廣信接壤

焉土地方平山氣龐峻

郭子章豫章書郡邑表說

浮梁山水之勝名鄱陽百里內奇峰秀嶽間見雜出

宋程

俱飽山閣記

二水環縣諸峰玉立

元李午浮梁化成堂記

上達徽祁下通鄱縣居二省三郡八縣之間

浮梁縣志

浮無天險而包山阻河城郭固之五方之豪叢於景鎮

同上

饒邑多以水勝獨德興在萬山中萃律迴環蒼翠萬狀

可亞匡廬東距浙北距新安三省交牙四塞為境

明祝

世琳德興
縣志序

煙火百里雞犬相聞

明董仲可重建
德興縣治記

廣山包絡大湖限帶

明夏寅德
興縣學記

玉真山峙其後雲錦溪環其前

安仁
縣志

萬年四會之區饒郡一奧壤也

明王鏊萬年
大捷橋記

其山險其氣勁

郭子章郡
邑表說

環山疊嶂高阜停雲萬斛峰拱於前萬年峰盤於後萬

縣志

南康府

廬山南國之德鎮

梁元帝碑

瞰七澤真如掌瞻九河直如帶

梁沈璇簡寂觀碑

南瞻五嶺北睇九州

唐歐陽詢西林寺碑

匡廬奇秀甲天下

唐白居易草堂記

匡廬天下之名山江表之勝概

南唐馮延巳開先寺記

蜿蜒蟬聯指列條敷亘五百里實溢城星渚之奧區洪

州諸郡下流之屏障

匡廬山志

靈谷煙雲廬山風月

新書

負匡廬面彭蠡南國咽喉西江鎖鑰

南康府志

星石浮南鞋山鎖北山澤雄奇帶礪險固

南康府志

本軍邊臨大湖舊有石砌堤築堰住西灣水汊藏泊舟

船

朱子乞修築石堤劄子

彭蠡之險在吾戶外

宋呂祖謙紫陽堤記

山嶽配天廬阜標其秀江湖紀地彭蠡擅其雄盤址崔

魏層淵秘邃

宋晏殊重修
真如院碑記

廬阜諸山聳然特起駢首而立者八九又高且大者五

焉有冠劍魏哉之貌無草木滋媚之容

宋趙師夏
六老堂記

踞匡廬而綰彭蠡足稱奧區

明張位重修
白鹿洞記

巖壑幽邃林木翳然真名教一樂地也

明葛寅亮重修
白鹿洞書院記

自五老峯來絕壁懸天一峰南下如頓萬馬可二十里

崛起一山而四山環之

白鹿書院
形勝志

左蠡揚瀾翼若游龍而藍平山橫亘其間如榜斯揭明高

羸南康府學記

彭蠡湖匯江西十三郡六十餘縣之水由湖口以出於

江每春夏雨集峽水盛長江流湍急而湖水勢緩復

為江流所遏則水益漲瀾漫數百里

明陳敏政重修紫陽堤記

本軍都昌縣地實瀕江然上有棠陰下有楮溪大小五

寨近者四五十里遠亦不過百餘里逐處可以綽望

把截

朱子都昌新寨利害狀

都昌依山枕湖全省要會之地

明萬浩新建
都昌城記

環山帶水形甲東南

明王堯臣修都
昌縣廳事記

兩水腋之其狀如帶西山雲居環之其狀如翼

宋王容
建昌學

記

修江橫前名山峙右

虞集建
昌學記

建昌鄱湖上游控修江諸阜洪所恃北門也

張鏊建昌
縣城記

四面諸山環拱若抱澗澮清歷如畫

明余祐安
義縣治記

自匡廬雲居迤衍而成邑

明楊三省安
義大唐寺記

寶峰西山映帶左右龍江澄碧淙淙几案間

明劉同升遷安義學

記

九江府

過九江至于敷淺原

禹貢

潯陽陸通五嶺北道長江遠行岷漢亦一都會也

晉地理記

源二分於岨峽流九派乎潯陽鼓洪濤於赤岸淪餘波

乎柴桑

郭璞江賦

南面廬山北背大江

圖經

山亞五嶽江比四溟

明一統志

左挾彭蠡右傍通川

方輿勝覽

潯陽乃天下江山眉目之地

白玉蟾授墨堂記

德安接岷山之脈彭澤挺文筆之鋒蜀江下湖口孤山

峙鄖鎮實吳楚襟喉江右衝要

九江府志

東連安慶西接蘄黃南與南康建昌鄰而北渡黃梅京

師孔道出焉

郭子章郡邑表說

山擁千峰江環九派

德化形勢說

左貫彭蠡右環金帶

明劉鍾德
安縣志序

控匡廬而注彭蠡龍虎鳥龜環拱而翼衛

明姚文燕重
建德安學記

接岷山之派向博山之陽形如鳳舉勢若屏開

德安形
勢說

東北匯兩湖之水西南聳萬疊之峰形若栖鸞勢如盤

石

瑞昌形
勢說

古赤烏邑幅幘不知幾百里其西南隅薄於柴桑之壤

乃與江州蘄州二衛屯田相錯如繡

明李盛春瑞昌
大塘堰碑記

雉外羣峰環拱如舞如飛山明而水麗

文德翼重修
瑞昌學記

瑞昌於九江稱最僻縣居潯溪之北亦山邑也

郭子章郡邑表

說

湖口皆瘠地也然秀色攬廬文瀾吞江

明葉初春湖口學記

湖之為邑亢而窄

張鏊湖口成德書院記

鐵屏橫峙石鐘環抱據江湖之險當吳楚之衝

湖口形勢說

彭澤地狹山峻

唐狄仁傑免民祖疏

彭澤居彭蠡下流濱大江阻疊嶂

明雷禮彭澤修學記

環山為治獨缺其西北而江走其下

明丁湛彭澤柳洲記

據彭蠡跨海門砥柱橫江龍城四塞

彭澤形勢說

去小孤山十里而近其境西南接湖口都昌東北踰馬當山交望江江右之境盡焉而小孤又江右一門戶

云

郭子章郡邑表說

南安府

南安江西之南境

宋蘇軾南安軍學記

南扼交廣北距湖湘

宋范大用祠記

凡臺省命使之宣布廣海筐篚之獻納莫不道出茲郡

元張鑑重修
南安路記

控廣引閩據上流過邊徼

元伍庫總
管府治說

南安介萬山間得掌平之地為郡治峰巒連絡不斷鳴

溪曲澗自聶都而下莫測其源

明金潤金
鰲閣記

庾嶺兩廣往來襟喉萬足踐履冬無寒土

明桑悅重
修嶺路記

當五嶺之最東

興地
廣記

面庾嶺據高原臨章水扼上流

金潤南
安城記

接南荒之境迫東粵而帶郴桂表以庾嶺旭山匯以章

水荅江隆然南徼形勝

郭子章郡邑表說

踞嶺峙其南黃嶺盤其北龍泉山谷峻深溪洞縣巨惟

邑處四境之中章水繚繞秀峰壁立

宋鄭霖新建南康縣治記

瞻維南望小邑實據西江上流衣冠文物之名區財賦

舟車之都會

元王元渤南康鼓樓上梁文

隄岸曠衍波瀾老成獨秀峰屹立雲表勢若插天其餘

江山環拱如畫

明鍾贊南康通濟橋記

江之南諸溪壑之水盡流而會于馬山之麓

明陳瑾重築水堤碑

記

庚嶺所銜章水所經而邑治建焉東南隩區也

明劉賓南康訓

導廳記

南安壤地橫水劇賊盤踞之山溪深阻險惡攻不可入

明劉節王丈成祠記

上猶之地山崎峻而水激括

元孔思文上猶學田記

溪洞廣袤而邑落其中民以山深而俗淳亦以山深而

藏寇

元黃文傑重修上猶縣治記

上猶民稀而地僻歲稍凶山洞愚氓嘯聚為寇

明黃仲昭修城

記

上猶為江藩邊邑接壤雄韶萬山會焉

郭子章郡邑表說

崇義稱南郡奧區

明萬夢桂縣治題名記

衆山壁立路如鳥道

劉凝崇義形勝志

贛州府

虔於江南地最曠大山長谷荒翳險阻交廣閩越銅鹽

之販道所出入

宋王安石虔州學記

貢源出新樂章出大庾合流域躬於文為贛奇峰怪巖

環視萬狀

宋趙忞章貢臺記

南州自豫章右上其大州曰吉又其大曰虔

李觀虔州柏林書樓

記

接甌閩百粵之區介谿谷萬山之阻

宋洪邁表

贛之為州控江西之上流而接南粵之北陲故裏崇一

路之兵鈴而外提二境之戎柄其地重大

楊萬里章貢道院記

贛之為邦其山聳而厲其水湍以清

楊萬里贛縣學記

南方之山衡為宗自衡衮而南稍東為大庾衮而北又
稍東為盤古其地界閩越故吳上游今隸贛

宋曾丰盤古山

記

贛於江西為樞府其城據章貢二水合流之處山川雄

秀

明彭時遷學記

宅江西之上游當五嶺之要會其地與閩廣湖湘諸郡

邑犬牙相錯

明羅欽順重修府城記

南贛四省咽喉而粵則南贛肩背郴衡其左腋也汀漳

其右臂也

明何廷仁送王中丞序

贛地最雄鉅崆峒摩天章貢激石

郭子章郡邑表說

贛州據吳之背扼粵之項而雩都則又贛之咽喉也陳元

至言祠記

衆山環列孤峰中峙

宋周頌雩山廟記

雩邑形勢據贛上游山水之所會九邑之所通也

明袁淳雩

都志序

青山黛環巧比疊削城屋壯麗地大以延

明解縉雩都樂善堂記

由午嶺隘南接信豐而連龍南由豐口隘東接會昌而

迫安遠山澤不逞之徒間道竊發故惟城為要

明黃弘綱

雩都城記

邑介山谷間羣山競秀若拱若揖一水漪綠映帶其前

明李涑雩都勤政樓記

前臨南山後峙浮屠碧桃之水繞其東九日之岡盤其

西胡儼信豐譙樓記

通天下大縣四十其隸於江西之贛者二而興國居其

一 宋朱夢龍
莊令祠記

興國地僻谷荒山嵯水悍

郭子章郡邑表說

兩都壯其祖龍五嶺提其汎駛經以潏川抱以潏水

盧明

寧興國朱
華塔記

贛十縣水多飛流奔湍行崖峽間寧都獨平川漫流

羅明

玘送平令之
仕寧都府

贛東之邑寧為大

明黃克纘
寧都志序

寧都為贛大邑東有佛祖嶺西有金精山奇螺之石拱

於南梅江之水繞於北

明陳勉寧都拱辰橋記

贛之屬曰會昌州壤接閩廣實邊徼重地

元程從禮會昌州廳記

其地僻遠且險

明董越會昌公館記

會昌實巢峒出沒之區羊角水在上游命將耀兵當東

偏一面

郭子章郡邑表說

安遠巖邑也塹礮峻嶒盤迴瀟渺誠僻陬一奇壤

明林有科

安遠志序

濂江在章貢雖僻遠名邑也

鄒元標安遠學記

欣山拱翠濂水浮青馬鞍列嶂熊嶺浮几崇巒廣谷聳

拔者堪供游憩險絕者可資保障

安遠形勝志

瑞金地接閩汀在屬邑最為僻遠

董越綿江公館記

萬山連亘人跡稀少其深阻處常為盜區

明羅璟瑞金城記

襟山帶江風藏氣聚

明潘季馴瑞金學記

軍門龍山峙其前銅鉢龍霧映於後隘山閩嶠亘其左

螺峰石塔抱其右

瑞金形勝志

龍南僻處萬山中視他邑規模差小以要衝言則非小

也明楊拱龍
南城記

叢林里落紛錯相望雉堞井閭層疊縣聯據三江之會

者是為邑城

明王宗徐龍
南汴河堤記

南際萬山盤錯縈紆百餘里水行者必道龍頭會一邑

千派之注湍悍峻駛亂石交錯其中廉利如劍

王宗
徐新

閒龍南
山路記

石城環縣皆石巖巖如城有龍巖瀑布石筍參天之奇

郭子章郡
縣表說

四山如城龍淵虎壘


石城形勝志

定南新創邑據虔上游故為盜區

郭子章定南學記

長寧帽山插天鄔水經地

安志



江西通志卷四